



**O‘ZBEKISTON RESPUBLIKASI IQTISODIY TARAQQIYOT
VA KAMBAG‘ALLIKNI QISQARTIRISH VAZIRLIGI
B U Y R U Q**

“ 13 ” 07 2022 yil.

№ 14

Toshkent sh.

**O‘zbekiston Respublikasi Iqtisodiy taraqqiyot va kambag‘allikni qisqartirish
vazirligining korrupsiyaga qarshi kurashish faoliyati samaradorligini tubdan
takomillashtirish to‘g‘risida**

O‘zbekiston Respublikasining “Korrupsiyaga qarshi kurashish to‘g‘risida”gi Qonuni va O‘zbekiston Respublikasi Prezidentining “O‘zbekiston Respublikasida korrupsiyaga qarshi kurashish tizimini yanada takomillashtirish chora-tadbirlari to‘g‘risida” 2019-yil 27-noyabrdagi PF-5729-son Farmoni, “Korrupsiyaga qarshi kurashish faoliyatini samarali tashkil etishga doir qo‘shimcha chora-tadbirlar to‘g‘risida” 2021-yil 6-iyuldagi PQ-5177-son qarori ijrosini ta‘minlash, shuningdek, vazirlik va uning tizimida korrupsiyaga qarshi kurashish bo‘yicha amalga oshirilayotgan ishlarni samaradorligini oshirish hamda vazirlikda korrupsiyaga qarshi kurashish faoliyatini ISO 37001:2016 korrupsiyaga qarshi xalqaro standartlar talablariga muvofiq tashkil etishni ta‘minlash maqsadida

B U Y U R A M A N :

1. Quyidagilar:

Iqtisodiy taraqqiyot va kambag‘allikni qisqartirish vazirligining korrupsiyaga qarshi kurashish bo‘yicha siyosati 1-ilovaga muvofiq;

Iqtisodiy taraqqiyot va kambag‘allikni qisqartirish vazirligi va uning hududiy bosh boshqarmalarida korrupsiyaviy xavf-xatarlarni baholash uslubiyoti 2-ilovaga muvofiq;

Iqtisodiy taraqqiyot va kambag‘allikni qisqartirish vazirligida manfaatlar to‘qnashuvini boshqarish bo‘yicha Nizom 3-ilovaga muvofiq;

Iqtisodiy taraqqiyot va kambag‘allikni qisqartirish vazirligiga aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish reglamenti 4-ilovaga muvofiq;

Iqtisodiy taraqqiyot va kambag‘allikni qisqartirish vazirligi xodimlarining etika va korrupsiyaga qarshi kurashish sohasida o‘qitilishini tashkil qilish bo‘yicha yo‘riqnoma 5-ilovaga muvofiq;

Iqtisodiy taraqqiyot va kambag‘allikni qisqartirish vazirligida kontragentlarni tekshirishga oid yo‘riqnoma 6-ilovaga muvofiq;

Iqtisodiy taraqqiyot va kambag'allikni qisqartirish vazirligiga ishga qabul qilinayotgan nomzodlarni tekshirish bo'yicha yo'riqnoma 7-ilovaga muvofiq;

Iqtisodiy taraqqiyot va kambag'allikni qisqartirish vazirligida Korrupsiyaga qarshi tartib-taomillarning samaradorligini monitoring va nazorat qilish uslubiyoti 8-ilovaga muvofiq;

Iqtisodiy taraqqiyot va kambag'allikni qisqartirish vazirligida korrupsiyaga qarshi kurash tizimining holati to'g'risidagi hisobotni shakllantirish va taqdim etish bo'yicha nizom 9-ilovaga muvofiq;

Iqtisodiy taraqqiyot va kambag'allikni qisqartirish vazirligi xodimlarining korrupsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlari o'tkazish bo'yicha reglamenti 10-ilovaga muvofiq tasdiqlansin.

2. Vazir o'rinbosarlari, barcha departament direktorlari, mustaqil boshqarma va bo'lim boshliqlari, Qoraqalpog'iston Respublikasi Iqtisodiy taraqqiyot va kambag'allikni qisqartirish vazirligi, viloyatlar Iqtisodiy taraqqiyot va kambag'allikni qisqartirish Bosh boshqarmalari boshliqlari tasdiqlangan ilovalar bilan belgilangan vazifa va topshiriqlarni o'z vaqtida va sifatli bajarilishini ta'minlasinlar.

3. Iqtisodiy taraqqiyot va kambag'allikni qisqartirish vazirligi tizimdagi boshqa tashkilotlar 10 kunlik muddatda mazkur buyruqdan kelib chiqib, o'zlarining tegishli buyruqlarini qabul qilsinlar va ularning ijrosi bo'yicha shaxsiy mas'uliyatni o'z zimmasiga olsinlar.

4. Iqtisodiy taraqqiyot va kambag'allikni qisqartirish vazirligining markaziy apparati, Qoraqalpog'iston Respublikasi Iqtisodiy taraqqiyot va kambag'allikni qisqartirish vazirligi va hududiy Bosh boshqarmalarda ushbu buyruq bilan tasdiqlangan nizom, reglament va yo'riqnomalar mazmuni va mohiyati bo'yicha taqdimot o'tkazish grafigi 11-ilovasiga muvofiq tasdiqlansin.

5. Korrupsiyaga qarshi ichki nazorat bo'limiga (B.Nabiyev) Ijro intizomi va Davlat dasturlarini monitoring qilish boshqarmasi (A.Mingboyev) bilan birgalikda ushbu buyruq bilan belgilangan vazifa va topshiriqlarni muvofiqlashtirish va nazoratga olish vazifasi yuklatilsin.

6. Axborot xizmati (D.Jurayeva) ushbu buyruqni vazirlikning rasmiy veb-sayti va boshqa ijtimoiy tarmoqlariga joylashtirilishini ta'minlasin.

7. Devonxona (G.Niyazova) ushbu buyruqni vazirlikning hududiy bosh boshqarmalari va tizimdagi tashkilotlari e'tiboriga yetkazilishini ta'minlasin.

8. Ushbu buyruqning bajarilishini nazorat qilishni o'z zimmamda qoldiraman.

Vazir



D.Kuchkarov